

堯舜禹湯文武及孔子德皆聖人而孔子不得
位而功最高天於恒人有一善且昌其後昆况
德充天地功施萬世而身不食其報者乎堯舜
禹湯文武皆王天下故子孫受其祉有限孔子
無位故遺慶餘澤被其子孫者無窮自斯民之
生未有若孔子之德而無位者也亦未若孔子
之傳世久遠而報為封君者也嗚呼天之報聖
人者其在茲乎公諱克聖字環夫世家曾之曲
阜孔子五十五代孫也曾祖曰之厚贈濟寧路

總管輕車都尉祖曰沈累贈通議大夫禮部尚書上輕車都尉曾追封魯郡侯父曰思晦嘉議大夫襲封衍聖公累贈通奉大夫河南江北等處行中書省參知政事護軍追封魯郡公謚文肅曾祖妣真氏祖妣李氏妣張氏皆追魯郡夫人公少廓達通敏日誦千餘言後李極傳精尤善春秋左氏傳文肅公薨襲封衍聖公偕嘉議大夫元重紀至元之年上疏請修飾廟像順帝可其奏賜山東曆日錢之年給其費命監察御

史族人思立於神廟之西為五十級勒碑以紀成績至正六年中書請公爵與附不封奏陞之制授中奉大夫大司馬以銀十五年平章政事達世帖木兒為公明習禮學後為同知太常禮儀院事以子希學襲公爵是年冬帝親郊公攝太常事盛服襜然登降有容觀者為達禮御史大夫雪之言公材宜近侍左右孫中書臺治書侍御史公辭歸明年孫山東道肅政廉訪使既受詔復辭會山東兵亂公率家人北行次萊蕪丞

相賀太平奏召公集賢直學士有學為秘書知
遣使者即蒿城起之公至燕都劇盜毛貴犯畿
甸且迫廷議棄燕迂閔中公曰天子當與社稷
宗廟俱為存亡焉可弃而他之今勦王之兵頗
衆與之決戰盜可平也如公言盜果敗去十九
年迂禮部尚書知貢舉時四方之士避亂多集
郡邑公請設流寓科以取之是年冬權陝西行
臺侍御史李思齊及察罕帖木兒二軍爭秦隴
相攻朝廷不能制陝西行省丞相帖里春果納

思齊降將命張良弼禦之及中丞袁海討曰不
可二軍不敢舉兵犯奉元豈其力不足哉然
無名耳今納其叛將而出兵禦之是引虎使噬
也丞相不從澳亦被劾去公怒曰謀之不善且
且至矣遂自劾而歸月餘二軍及良弼戰於鹿
臺奉元果陷二十二年除國子祭酒帝賜上尊
太子書大成殿額以賜公以世亂不樂居仕竟
謝病歸闕里營別業城南以居後起公為資善
大夫集賢學士不就復以公為山東廉使卒不

起二十八年

天兵取中原

皇上手詔遂公入朝待以賓禮而不名賜廩祿不煩以職郊社必致膳肉無勞甚至洪武三年春以疾告遣中使存問疾篤詔還公於家給驛以行賜白金百兩文綺八端他錢物稱是三月二十八日還至下邳新安驛薨于舟中壽五十有五希學奉喪歸以六月十三日葬于孔林之孔子墓二百餘步寬厚樂易事親極孝遇族人

與人交不為掩覆之計一以誠信豐下吳壽容止甚都順帝以福人祿之公娶張氏濟寧路總管子仁女封魯郡太夫人夫人九子長即希學次有說希範希進希麟希鳳希順希尹皆元國子生希贊其季也女二人孫男十九人長曰訥次曰諧詢諲誠諱諒諤嘗諷調評諛諂譽諠諄諠曾孫男四人長曰鑑次曰鐸曰鈞曰鏗曾孫女四人希學今資善大夫襲封衍聖公年歲期

正於京師

上寵賜之甚厚以表漢狀未請曰先君歿今十年而
墓道之石無文以刻恐休德不聞於後世人其
謂河漢嘗獲識公且與希學善雖老矣其忍不
銘銘曰

天生大聖

為萬世師

廓幽昭潛

南施日輝

功如堯舜

位則不有

飯其惠澤

以昌厥後

歷年二千

有與有仁

五十餘世

封君相望

自侯而公

愈遠彌貴

桓圭衮衣

肅將紀事

惟公紹家

敦大且文

人曰休哉

聖師之孫

入為秩宗

加禮又樂

格於幽明

上下允若

曰乱趨遭

宗社震駑

君臣合謀

弃而西遷

公曰不然

君死社稷

以正代乱

勝不以力

王師焯々

如虎如貔

盜遁南夷

公寔啓之

關陝之間

將矯胥噬

彼謀不戚

以水上瀆

公謂元戎

世與方乱

無失厥防

以速其叛

言戚不從

是戚是為

禍將速身

云何弗歸

重言迎拜

俾掌邦教

大訓宏敷

聖人之道

土宇日隳

位其可居

退脩于家

琴瑟詩書

皇明御極

取聖為則

陟降

帝廷

禮儀有翼

生享其榮

一死篤其承

云誰致然

聖澤休明

惟聖之澤

如山如川

有址有源

以永厥傳

繼聖惟賢

守位惟德

載績延聲耳

後嗣是式

洪武丁丑秋九月吉日五十七

代孫襲封衍聖公訥同曾孫鑿等立石

故資善大夫襲封衍聖公孔公神道碑

朝列大夫國子祭酒同脩國史宋訥撰

洪武十四年秋九月二十日

宣聖五十六代孫資善大夫襲封衍聖公以疾終

于正寢越三年為洪武甲子春正月其子訥以

眼闕入

親禮官引

見莖蓋殿

上問以宗族蕃衍子姓資否訥奏對勳合禮度即

命館于太學翌日召嗣襲封衍聖公

御製誥詞以賜既受封之五日出前左司員外郎王

冕所誌其先公墓誌銘示子曰不肖孤負高先

德忝嗣厥世

聖天子不以訥無兩肖似俾襲顯封位列位公壽性

是先考之立雖紀其歲月訥諸壙中墓道碑石

尚未有刻先生職司文衡全先生其誰托執固

以請既還之四月復以書來速遂即其世系封

爵卒葬月日以著之按公諱希李字士行

宣聖五十六代孫曾祖浣贈通議大夫禮部尚書

上輜車都尉追封曾郡侯曾祖妣李氏追封曾

郡夫人祖思晦襲封衍聖公贈通奉大夫河南

江北等處行中書省叅知政事護軍追封曾郡

公謚文肅祖妣張氏追封曾郡夫人考克堅嘉

議大夫襲封衍聖公累陞中奉大夫陝西諸道

御史臺侍御史妣張氏封曾即太夫人公賦性
明敏好學尤嗜漢隸甫冠即有成人志二十一
歲侍御公始起同知太常禮儀院事以公襲封
公克自樹立於經籍子史靡不研究問學優瞻
文詞雅馴每賓客燕集談笑揮洒輒以成章皆
出人意表觀者竒之四方好事者多求公書隸
得之則什襲珍藏元李兵起青齊憂及闕里公
誓不汙於亂即間道走燕城得賜見拜祕書卿
仍襲封爵歲戊申秋

皇明初革元命溥宇以次平泊朝謁行在
上清問下民公即以歷代治亂條對從容有序甚嘉
納之自後歲入覲于

京師賜予稠疊

恩禮益隆每正旦

上受萬國朝賀特命公班亞上相始至中使慰勞館
餽下及童隸無不霑給蓋其誠意所達

宸衷特加異數也祖庭自兵後日就圯壞所廢浩穰
公從容措置期以歲月卒就成功復祭田侵於

三氏志卷三
一百一
豪民者五十頃禮器禮服樂舞儀式以次備舉
燁然一新卒復舊規年四十七卒遠邇大夫士
聞者莫不悼其不克于壽也訃聞

朝廷遣使禮祭是年十一月初六日葬于孔林之
西公凡再娶先配董氏中州功臣世家贈魯郡
夫人繼室孫氏前進士遼陽行省平章彥明女
卒皆附葬子男二人長曰訥重氏出也次曰譖
孫氏出也女二人長適淑南衛揚鎮撫子揚思
次在室孫男一人曰祿尚幼公昆季八人在

公為長次希說希範希進希麟希鳳希順希尹
希贊皆有文學家庭雍睦為東魯家法余記弱
冠遊太學師事助教陳衆仲先生而公之父侍
御公寔同齋舍者有年情好日洽後幾二十年
當元季兵起公間道歸朝時侍御公主太常公
侍左右神采迥異信其名門子也余於今獲領
太學而公之子訥已襲封號則知公者莫予若
也請銘奚敢辭銘曰

聖澤汪洋

厚德流芳

公承其慶

奕世稱昌

才鬱乎中

鑑其琳琅

惟德是將

皇明啓運

奄有萬方

崇文右教

盛際虞唐

通修典故

光我素王

公襲其封

世奉烝嘗

惟聖子孫

表之印之

歲時來朝

禮錫孔彰

報效未伸

蚤夜匪康

祖庭百儀

遄復其常

曾山蒼之

泗水湯之

鬱然孔林

為公之臧

有子才良

蚤服

寵章

製誥維新

雲漢輝煌

存設有光

樹碑道傍

千載不忘

永樂癸未冬十一月吉日曲阜世職知縣孔希

範立石

孔顏孟三氏子孫學錄孔君墓志銘

翰林院學士寧陽許彬道中撰

景泰四年六月二十五日孔顏孟三氏子孫教

授司學錄孔君克晏以疾卒于家距所生洪武

三十二年十二月十六日得壽五十有六卒之
年九月九日其子希璜扶窆葬祖陵先塋之次
後二年大宗子懿封衍聖公彥經來朝京師持
教授江永清所次事行未旌余銘按狀君字堯
夫姓孔氏

宣聖五十五世孫曾大父諱之僅元深澤教諭大
父諱汪元翰林檢閱父思措家門旌長母某氏
端淑恭慎克持婦道君生而資性靈明渾然天
理宗鄙目為處女而竒其後必有異於人也然

其聰穎過人讀書務以千遍為率字之句之不
輕放過務在咀嚼滋味探頤理趣不極其至不
止也其為詩若文尤不輕率必再復題意遣詞
說理務極指歸然後落筆以文往之有動人語
嘗道行遇婦人女子必面墻俟其過一日遇遺
囊于道棄而不顧以是人益重之比長泛江淮
浮汝泗覽名山大川吊古興懷以增益其所見
聞歸而大有所進豈非士之致遠有濟于遊乎
昔賢稱司馬子長文蘇疎宥有竒氣者從燕豪

傑交游故也余於君亦云故族長公嘗曰負才
名而不玷先祖之家聲者必吾克晏餘子碌々
未足較也平生一芥不取諸人遇宗族之婚喪
及里人之貧乏者雖傾囊與之無吝色宣德壬
子用薦補令官其教人也一体聖賢敦本尚實
不事浮靡而士子賴以造就者進士則孫昱孔
公珣鄉舉則孔公錫孔諗也其他惇德飾行賴
以成就者比之而是嘗自作春帖有曰恥學屠
龍寧自拙未能送鬼任多窮又曰百年無日不

青眼一世與人惟赤心觀此則可見君平生之
抱負矣遭族長公喪凡衣衾棺槨必極周備求
無慊于心而後已景泰庚午

駕幸太學召三氏子孫賢而長者詣

京師觀禮有宮錦襲衣之賜君與馬既而薦君為
族長衆皆稱宜宗鄙子弟脫有不律者君召之
庭下一言即折其是非彼即愧悔感悟俯伏走
皆下不自覓其股栗也衆方以族長得人為賀
不意哲人不壽而竟以疾告終也配徐氏渚寧

儒醫徐之嬖婦道母儀咸有可稱于一人即希
璜為志問孝知君有子矣女一人字靜安兩淮
運使蘇公之子傑其婿也嗚呼天之生人既豐
其才而畜其壽而又使之不獲究其所施設或
者謂君惇享之資有餘而應變之才不足殊不
知神駿之馬可以一日千里而不可以從容為
和於交衢之舞寬博之衣可以揖讓升降而不
可以奮揚干戈於戰陣之交彼鳳凰麒麟非可
以資服乘也醴泉芝草非可以適飢渴也然而

一日至焉山川為之春極草木為之玉潤蓋天
生神物而享冲和之至自然有以暢達無所事
乎用力也然則先生之為人有益於世者多矣
况又能立師道以造就多士哉是宜銘之曰

猗歟孔君

神明之胃

惟性之聰

惟賢之厚

閑孝日克

德音日茂

孔顏與孟

三氏有後

君為訓飭

概于成就

人與之交

若飲醇酎

薦居族長

維持左右

子姓宗姪

式循矩度

胡為一疾

哲人不壽

我作銘詩

用表諸墓

振烈揚芳

萬古無斁

天順元年歲次丁丑十月孟冬

上旬吉男希墳泣血立石

故襲封衍聖公孔公神道碑

元祿大夫少傅兼太子太師吏部尚書太和

王直撰通議大夫吏部右侍郎南陽李賢書

光祿大夫太子太保兼吏部尚書益山王朝

憲

公孔氏諱彥縉字朝紳其名與字皆

仁宗皇帝所命也我朝之治天下所以綏万邦和

兆民者不用他術惟

宣聖之道是用尊其道而及其子孫是以若是

其厚也公世家曲阜於宣聖為五十九世孫元

嘉議大夫襲封衍聖公累贈通奉大夫河南江

北芴處行中書省叅知政事護軍魯郡文肅公

思晦公之五世祖也元中奉大夫襲封衍聖公

國子祭酒克堅公之高祖也曾祖希學大父訥

父公鑑俱襲封衍聖公妣皆夫人公早孤母胡夫人教育之天性孝友不妄言笑未嘗慢戲佚遊人有忤言言不與校或言相媚悅亦不為異屹然端重如成人甫十歲

太宗皇帝召使襲爵觀其言動進退從容詳雅喜謂侍臣曰真神明之裔也館之太學而禮待甚厚既歸日取宣聖之書讀之而尤篤志於論語凡嘉言善行所以修己治人者不以忘於心曲阜知縣公堂者公之季父也公於事無巨細皆咨

決焉由是才識益高聞見益廣度量益寬而有容不可以毀譽動而亦無愛惡於人人以為長者風輕財重義出於自然親黨有吉凶事而禮不能備公為相成之孤女及時而未行者則備資裝相攸使有婦今監察御史張子初劉安順天尹王賢兵部侍郎王偉皆其所擇婚而人以為宜室家者凡其所行合於誼多類此是以上自

朝廷公卿大夫以及士庶人皆敬愛公其入覲

得乘傳班列文臣首洪熙中賜第於東安門北
宣德正統以來禮之尤尊

今皇帝視學特召公觀禮賜冠帶錦衣越三年未朝
復賜三臺銀印玉帶衣織金麒麟文視一品皆
異數也公受恩而歸即上表謝告宣聖廟而大
會宗姻彰殊遇宴享未終得風疾而卒景泰乙
亥十月二十一日也距其生洪武辛巳三月十
二日壬子年五十五訃聞

上深嗟悼命禮部治喪工部又治墳塋而厚賻卹焉

公配夏氏子曰承慶皆先卒江氏子曰承吉亦
先卒郭氏子曰承澤牙氏子曰承源女三長適
山東都指揮吳勳之長子越次適兗州護衛指
揮龍駒之長子克恭其一幼未行孫二弘緒弘
恭長子承慶既卒無弘緒當立即驛召來

京俾襲封衍聖公而見禮篤志所以錫賚者一不
異於公昔時弘緒將奉壘于祖林先考墓次
講神道之碑宜有銘而以請於余之又何以彰
公之美哉然不可詳也力為序文教之興

大聖以生天寶初之歲有孫曾自周以來端人其
胃豐公之世五十有九於昭聖神煥必文章百
月有恒道德之光惟我

皇明寔賴于治既爵襲封列聖之制位秩之內章服
之華章德味息乃錫乃加公之侯之元公年式
胡不百年以篤斯祐魯林之原封樹六而雨露
潤之爵其葱羊神道有碑負以龜趾刻詩勅慈
焜燿無也

大明天順二年孟春中旬吉日六十一代孫表

封衍聖公孫弘緒男承澤承源孫弘恭同立
贈襲封衍聖公孔君神道碑

光祿大夫少保兼太子太傅戶部尚書文淵閣
大學士修國史知制誥同知經筵事廬陵陳
循撰通議大夫太常寺卿兼經筵侍書廣平
程南雲書光祿大夫少傅兼太子太師禮部
尚書昆陵胡濙篆

君諱承慶姓孔氏宣聖六十四代孫以嫡派世家
曲阜縣之闕里自其父彥縉祖公鑑曾祖訥以

上俱以宣聖恩襲封衍聖公配皆夫人景泰六年君之父卒訃聞于朝君雖家嗣而先五年卒矣詔即日驛召其長子弘緒至

京襲為衍聖公時冠帶秩視一品并贈君襲封衍聖公配王氏封太夫人亦自弘緒准恩也既而弘緒痛惟先德無以表示後世乃奉工科左給事中同郡孫昱所狀君平生求書于神道碑君母夫人夏氏江西布政使司叅政維揚濟之女也君生自幼端重敏於問學年甫十一遭母夫

人之喪乘禮疑如成人而孝以奉父暨諸母皆能得其懽心過諸弟妹無間母之同異一以友愛為務至於敬長慈幼賑貧恤孤施於族姻鄉黨無不各盡其情稱之者殆所謂人不問於其父母昆弟之言矣至其自奉儉約自勉謙下則又有非他人所能及者於書無所不欲講求其義尤銳志於聖經要從前教授清江裴侃孝錄核想克晏及今教授德州江永清授業朝夕誦

聖學稱頌曰者好孝不幸短命死矣今也則亡
以君好孝而卒又幾於頌以卒如此安知不復
其嘆於其祖於地不也哉君喜吟咏所作多有
新章集者千卷名曰禮度吟藁先是君父欲因
其老上請以屏製封如已會君祖母太夫人喪
不果至是乃蒙贈典並加厚云其生永樂十八
年三月七日卒以景泰元年十一月二十六日
享年二十有二有一其配則今頌天府戶寧陽王君
女也子男二人弘緒弘泰以卒之年十二月二

月十六日葬君祖林之側銘曰

魏孔宗

儒道所寄

肇自宣聖

四方仰止

功在六經

澤被萬世

世承有自

爵祿无替

由昔至今

為代几幾

臻為六十

者縉之嗣

生稟不群

資性淳美

志重族姻

行先孝弟

博學多才

人稱無異

璿璣魯玉

玳璉夏器

昔重當時

今見闕里

為國之珎

為家之瑞

天畀胡厚

神奪孰厲

壽比人顏

少其一歲

古今殊時

死生常理

不泯者存

君其何媿

祖林之原

山水清靈

况有依歸

安其何既

煌之靈爵

及于賢子

於乎孔君

死猶不死

大明天順五年夏四月上澣六十一代孫襲

封衍聖公男弘緒同弟弘泰立

贈曲阜縣世職知縣孔公墓碣銘

賜進士禮部左侍郎兼翰林院學士知制誥寧

陽許彬撰文賜進士廣東等處提刑按察司

僉事奉勅提督李校新喻胡榮書丹賜進士

山東按察司僉事奉勅提督李四明周濠篆額

天順六年春闕里知曲阜縣事孔公錫蒙

賜勅命復得推恩贈其故父誥為文林郎知曲阜

縣事母刘為孺人封其繼母錢為太孺人妻李

為孺人

天章下臨先生族部存沒皆感其恩德也士生

斯世何其幸哉公錫既拜受痛念父母俱亡思
有以未親之潛德彰

君之榮寵也乃持三氏教授江永清所狀行事二弟
詣予請銘揭諸墓道按狀公字全伯姓孔詮其
諱也

宣聖五十七代孫高祖洵字世仁東平路教授曾
祖思衍字元道盤陽路教授大父苗字耕夫知
西阜縣事考希幹字士貞隱德弟耀母顏氏賢
而有德公生天性孝友穎敏異常為兒時讀書

顏子廟嘗與群兒嬉戲失脚墜陋巷井中良久
使以繩引出語人曰井有辰蛇瞳目吐舌勢欲
吞噬幸不害吾吾亦不甚懼時人異之既長智
識超卓言行端方存心厚而處事明決宗鄰里
間有不平事必質之公為剖析別其是非既退
復以札讓勸諭之人多愧服平生樂善好施遇
婚喪不能舉貧乏不能存者必賜卹之有假貸
不能償者不復問事親盡孝敬親性頗嚴急
公委曲事之得其惟心性嗜飲遊迨佳賓伏具

務極豐腴笑語移日竟無怠容善教子為擇明
師嚴立教條雖相暑盛寒不容少懈故公錫有
今日者公之教也遭父母喪哀毀過禮每哭踴
幾絕或以為初喪適然及後世忌誕之辰輒哀
慟不食恭率諸弟祭奠憂戚之容竟夕不釋兄
弟怡人交愛甚至一旦二弟從容謂曰家雖和
好人口數多盍尊父治命析居吳慶公領之曰
宅奴僕命各擇其所欲而自留其取剩者卿人
比之薛包焉宣德癸丑衍聖公彥縉簡公舉聖

門事公益加敬慎夙夜惕勵務以扶植家門為
心凡林廟增脩歲時祭奠公皆瀝誠盡瘁無怠
忽意宗泐子弟有好逸惡勞者戒勅之悖礼乱
政者斥責之務使礼讓興行敦德樂善在聖門
數十年替佐之功居多柰何天不憇遺而竟以
疾不起實景泰庚午十二月初十日也距生洪
武壬申得壽五十有九明年正月二十一日葬
祖塋之西孺人里中儒族諱景榮之女貞淑莊
敬婦道母儀有光褒典先公九年卒與公合兆

焉繼即太孺人有賢行子三人長即公錫次珩
次性皆力學好修不墜家產女一人適高信皆
列所出孫男五人孫女四人嗚呼人患不為善
有其善者天必報之不在其身必在其子孫觀
公之孝親交友賑乏調窮平心率物化導閭里
皆人所難能者宜其教子有成而享貽
息於不朽也是宜銘曰

神明世胄
文學家聲
光昭前代
垂裕後昆
公實嗣之
詩礼超羣

道難不死
訶謔神明
孝親交友

樂善親賢
躬躬慎慝
天性則然

天報善人
推恩有典
寵章燿燿

九泉常顯
我作銘詩
揭于墓道

百千萬年
子孫是保

景泰辛未秋望日大行初由阜縣世職知縣男
孔公錫同弟珩珩公性立石

曾府儀賓孔公墓誌銘

奉政大夫曾府左長史品節素著名能撰文

天順八年十二月十八日

文登郡王儀賓中奉大夫孔公以疾卒于府距所
生永樂壬辰年九月三十日得壽五十有三計

聞

朝廷命方面大臣諭祭

魯王郡王皆傷悼遣中官往營祭事各諭驛其孤
謹恐公潛德湮沒請銘其墓按狀公諱希泰
宣聖五十六代孫曲阜世職知縣克中之子也母
陳氏有泚德室公穆然敏從秀日記數千言與冠

一器配

文登郡王敬慎謹和出入藩維循儒雅深味道
睚談論古今高出流輩其為詩文平淡典實蓋
國寶中之翹楚者人恒譽昌素王子孫真足以
配金枝玉葉其為士林之所重如此稟性儉朴
未嘗輕與人交雖宗族亦罕相遇惟沉酣經史
而已外無所好也偶為疾疾所嬰親王幸郡王
府視其病自慶不起乃勉強叩首于

正前曰巨自幼蒙厚恩得配郡王三十餘年一日

不詳

朝廷有合葬之禮但臣祖林平曠幽靜倘賜葬其
林以遂首立之願臣目擊矣聞其言者咸為愴
然翌日具衣衾正寢而逝

王從其請命開遠於祖塋之次擇成化元年四月
初九日葬焉男三人誓娶護衛百戶沈吳之女
先公卒次護娶護衛指揮羅王之女次親女人
長孀適濟寧衛指揮楊榮次婢次媼次媼孫男
一人公執誓之子也銘曰

素玉閑孫

堂之器宇

王室締姻

作配郡主

音中琴瑟

羽中鳳凰

持身有道

出言有章

處貴羨富

寧甘朴素

不矜不驕

克循矩度

哲人萎矣

首丘孔林

賢王仁慈

克逃歎心

文登千秋

矢與同穴

祖塋有光

歿而不歿

我作詩銘

垂示後昆

後之考者

請視斯文

成化元年夏四月吉日子誓拜首立石

故封中順大夫大理寺左少卿孔公墓表

先祿大夫桂國少保吏部尚書燕

華蓋殿大學士知制誥知經筵事

國史總裁南陽李賢撰文

嗚呼生民以來未有盛於孔子宜乎子孫愈久而愈衆馬以今觀之又非往昔之比何哉於衆之中又多出色者若以鄉公其一也公諱信字忠伯別號介菴乃孔子五十七代孫世居闕里祖廟之右即宋御史中丞道輔故宅也曾祖思

睿潛德弗耀祖克全以孝行教授濳安路父布衣當元季不樂仕進奉親盡孝讀書尚志教授鄉里及歿門人私謚曰孝和處士母畢氏有洪德伯父希文為曲阜令惠政者聞公天性孝友雅志好孝日記數千言從師取友大有所就永樂辛卯以詩經領御薦明年赴春闈不第而歸慨然嘆曰吾二親老矣况伯父母無子俱垂白在堂尚可難乎遂養親不仕久之四親相繼而卒公於養祭無不用情鄉黨稱其孝焉凡親族

中孤無所依貧無所濟喪不能舉疾不能醫者
必周旋賑卹之務尽其心而後已祖庭事有乖
於礼者必正之每時節闔族謁祖陵有一不至
者必責其慢舊時五服之外以為親及有喪不
吊公曰吾族聖人之後豈可同於常人乎自是
雖疎亦吊遂為故事鄉之婦有醮而死者前夫
之子訴于公請合葬公曰不可夫死改節義已
絕矣卒歸後夫以故自宗子而下凡事皆取正
焉者謂公既能力孝以取高科夫何坐食於

家不少施其所蘊母乃不可乎公曰聖祖有云
惟孝友于兄弟施於有政是亦為政矣其為
政遵吾祖訓而已胡為不可公子恂復修舉子
業登進士第拜礼科給事中累官少詹事大理
左少卿兩獲推恩封公如其官公澹然不以寵榮
動心為誠公恂盡其職已而公恂復為少詹事
事兼左春坊左諭德尋坐言軍國事出知漢陽
便道省視公誠之曰為臣惟知報國而已他非
所卹越數日感舊疾而卒在是歲六月一日享

年八十有二公為人嚴毅方正寡言笑識大体
平生無射利心物有非義者一毫不取自建立
有家子孫百餘口量入為出自奉甚薄庭無間
言上下肅然鄉人有犯之者不與之較且曰人
能忍難忍事則無事矣嘗構一亭扁曰四雨以
為遊息之所左右植以菓卉士大夫往來者必
宴飲其中而多題詠焉公雖老手不釋卷老尤
觀史凡歷代君臣賢否治亂得失皆得其詳嘗
曰天下事無不可為者顧君臣相遇何如耳味

斯言也可以知其所存矣使其身用于時而功
名事業詎可量哉公配王氏繼胡氏俱為恭人
次王氏子男三人長即公恂次曰公忱次曰公
忱女六人俱適士族孫男五人孫女二人曾孫
男二人卜以是歲十一月十六日葬于先塋之
次噫公之所學不唯於道其行誼可以表鄉俗
振士風其家法可以傳子孫範末世謂之出色
不亦宜乎遂據三氏教授田良狀撫其槩以為
表俾刻諸墓石用光于前云成化二年歲次丙

三民志卷三
一四八頁三十一
戊秋九月中辭六十一代襲封衍聖公宗孫私
恭書五十八代克勤府通判掌曲阜縣事族
弟公錫篆

故中憲大夫詹事府少詹事孔公墓誌銘

少詹事孔公既歿而婦將卜日以葬其子彥旭
等以公之遺言持三氏教授清苑田良先生狀
請銘諸函予與公舊為通家又嘗同寺官哭公
且不暇忍能銘公之墓耶然公之遺言不得詳
按狀公諱公恂字宗文

宣聖五十八代孫世居闕里祖廟之右蓋十四世
祖宋龍圖閣直學士御史中丞諱道輔之故宅
也曾祖諱克全以文學教授淮安路祖諱希恭
隱居讀書不樂仕進考諱信字忠伯雅志好孝
以葩經取永樂辛卯鄉薦適親老遂不仕天順
戊寅以公貴封禮科給事中甲申進封大理寺
左少卿妣王氏繼胡氏俱恭人公自少警敏絕
人始從學三氏學教授廣平張先生敏及請江
斐先生侃日受數千言過目成誦為文詳整宏

博下筆無滯詩造盛唐書遍趙松雪以禮經中
正統甲子鄉試景泰甲戌捷南宮將及度對聞
母喪

上知之念公宣聖之後命翰林給紙筆俾就試天順
丁丑授禮科給事中公正色立朝知無不言有
古諫官風既而奉

勅賞賚邊戎弊革侵漁人蒙實惠卒辛巳蘇之嘉
定又有冤獄未雪公徃勘之至即白人服其明
癸未

上念公聖人之後宜在官坊陞詹事府少詹事每進
講容止安閑詞氣正直論者謂得講官体成化
改元

今上嗣登大寶轉公大理左少卿未幾仍復少詹事
兼左春坊左諭德丙戌坐言事出知漢陽府適
父喪不果行庚寅仍復少詹事

南京詹事今年六月二十五日卒于官公居家孝
友凡有凶吉事一遵於禮而不苟事繼母如事
所生待二弟友愛尤篤處宗族曲盡恩義教子

姓嚴而有法娶樊氏先公卒刑部侍郎樊公之
女繼娶余氏

魯府良醫余公之女俱贈封恭人有賢行子三人
彥旭彥卿彥喆皆讀書守禮有科目志女二人
長適濟州衛指揮申廣之子寧遠浙州衛指
揮陳鎬之子玉孫男三人承禮承義承公
之生于永樂癸巳享年五十有九以成化辛卯
十月初二日葬於先隴之次嗚呼公
神明之胃起家為名進士仕為

朝為近侍為廷尉為官坊轉道所在有聲人皆尊
而仰之其遭際之榮疇克如之次而銘之百世
之下豈不尚有觀感而具起者乎銘曰

猗歟孔君

宣聖之孫

家傳詩禮

學究天人

宏中肆外

而鳴以文

迺領鄉薦

乃究國賓

官列近侍

貢鎖金門

文華講道

堯舜是陳

持平大理

稱物惟均

光于家世

顯于縉紳

令終無愧

允矣全臣

祖塋之側

泗河之濱

安靈泉室

億百萬春

成化七年歲次辛卯冬十月初二日

賜進士前翰林庶吉士工科給事中朝列大夫山西左叅議里人孫昱撰文孤子堯旭堯

堯彥堯誥謹志

孔顏孟三氏誌卷之三終